

LES
ARTICLES

RESOLVS ET ACCORDEZ
à Nerac , en la Conference de la Royne
mere du Roy , assistee d'aucuns Princes
& Seigneurs du Conseil priué du Roy :
auec le Roy de Nauarre aussi assisté d'au-
tres Seigneurs & gentils hommes, & des
deputez de ceux de la Religion preten-
duë reformee.



A PARIS,
Par Federic Morel, Imprimeur
ordinaire du Roy.

1 5 8 1.

Auec Priuilege dudit Seigneur.

Case

F

39

.326

1581 fr

THE NEWSPAPER
LIBRARY



*LES ARTICLES DE LA
CONFERENCE FAICTE A
Nerac par la Royne Mere du Roy, avec le
Roy de Navarre & les deputez de la Reli-
gion pretenduë reformee.*

DO V R faciliter l'execu-
tion del'Edict dernier de
Pacification, fait au mois
de Septembre, mil cinq
cens soixante-dixsept, &
esclaircir & resouldre les
difficultez qui sont interuenues, & qui
pourroient encores retarder le bien & effect
d'iceluy Edict, a esté sur la requeste, Sup-
plication & Articles presentez par ceux de
la Religion pretenduë reformee, resolu &
arresté ce qui s'ensuit, en la Cōference tenue
à Nerac en ce present mois de Feurier, mil
cinq cens soixante dixneuf, entre la Royne
mere du Roy, assistee d'aucuns Princes
& Seigneurs du Conseil priué du Roy: &

le Roy de Nauarre aussi assisté du député de monseigneur le Prince de Condé, Seigneurs & gentils-hommes, & des deputez de ceulx de la Religion pretendue reformee.

ARTICLE I.

QVE les haults Iusticiers ou ceulx qui tiennent plein fief de Haubert, soit en propriété ou vsu-fruict, en tout, par moitié ou tiers, pourront faire continuer l'exercice de la Religion pretenduë reformee és lieux par eulx, nōmez pour leurs principaux domiciles, encores qu'ils en soient absents & leurs femmes, pourueu qu'une partie de leur famille demeure audit lieu : & encores que le droict de Iustice ou plein fief de Haubert soit controuerse, neātmoins l'exercice de ladite Religion y sera cōtinué, pourueu que les dessusdits soient en possession actuelle de ladite Iustice. Et pour le regard de l'exercice public de ladite Religion pretendue reformee, és lieux ordonnez par le Roy, si quelqu'un desdits lieux se trouue incommode, presentant requeste au Roy à ces fins pour le transferer ailleurs, leur sera pourueu suffisamment, & à leur commodité par sa Maiesté.

QVE

II.

QVE suiuant certaines lettres patentes du Roy donnees à Paris le xij Nouembre, M. D. LXXVII. conformément à l'article xj. de ce qui fut arresté & signé à Bergerac le xvij. Septembre audit an M. D. LXXVII. qui par inaduertance auroit esté obmis en l'Edict dernier de Pacification : est permis à ceulx de ladite Religion pretenduë reformee pouuoir acheter, faire edifier & construire des lieux pour faire ledit exercice de Religion aux faux bourgs des villes, ou és bourgs & villages qui leur sont ou seront ordonnez en chacun Bailliage, Seneschaulcee ou gouuernement, & aux lieux où l'exercice de ladite Religion leur est permis par l'Edict. Et ceulx qui se trouueront ausdits lieux auoir esté par eulx edifiez, leur seront rendus en tel estat qu'ils sont.

III.

EST permis à ceulx de ladite Religion pretenduë reformee, eux assembler par deuant le Iuge Royal, & par son auctorité, egalier, & leuer sur eux telle somme de deniers qu'il sera arbitré estre necessaire pour estre employee pour l'entretienement de ceux qui ont charge pour l'exercice de

leurdite Religion, dont on baillera l'estat audit Iuge Royal, pour iceluy garder.

IIII.

QUE suiuant le xx. article dudiect Ediect de Pacification, il sera promptement par les Iuges & magistrats des villes pourueu de lieu commode pour enterrer les corps des morts de ceux de ladite Religion pretendue reformee. Et sont faictes defences autant ausdits officiers que autres, de rien exiger pour la cõduite desdits corps morts, sur peine de concussion.

V.

ET pour obuier à tous differets qui pourroient suruenir entre les Courts de Parlement & les Chambres d'icelles Courts ordõnees par iceluy Ediect, le Roy fera au plus tost vn bon & ample reiglemẽt entre lesdites Courts de Parlement & lesdites Chambres: & tel, que ceux de ladite Religiõ pretendue reformee iouirõt entierement dudit Ediect: sera promptement passẽ outre à l'establissement de la Chambre de Languedoc, suiuant iceluy Ediect. Mais s'il se voit cy apres que le nombre des Iuges n'y soit suffisant pour l'affluence des causes, presentans lesdits de la Religion requeste à sa Maiesté,
leur

leur sera pourueu suffisamment. Pour le regard des gens du Roy seront suiuis les articles secrets de l'an M. D. LXXVII. tant pour le regard de la Chambre de Languedoc, que de celle de Guyenne. Neantmoins lesdits gens du Roy en ceste charge seront continuez, sans pouuoir estre reuocquez, sinon és cas de l'ordonnance: combien qu'ils portent tiltre de substitués d'Aduocats & Procureurs generaulx esdictes Courts de Parlement. Les commis des Greffiers ciuil & criminel esdites Chambres, exerceront leurs charges par commission du Roy: & seront appelez Commis aux greffes ciuil & criminel. Et partant ne pourront estre destituez, ny reuocquez par lesdits Greffiers des Parlemens: toutefois seront tenus rendre l'emolumēt desdits greffes ausdits Greffiers: lesquels Commis seront salariez par lesdits Greffiers, selon qu'il sera aduisé & arbitré par lesdites Chambres. Et quant aux huissiers, outre ceux qui seront pris esdits Parlemens, lesquels seront Catholiques, en sera erigé de nouueau deux en chacune chambre, qui seront de ladite Religion. Et seront tous lesdits huissiers reiglez par lesdites Chambres, tant en l'exercice & depar-

tement de leurs charges, que és emolumens qu'ils deuront prendre. Seront aussi és villes, où lescdites chambres serót erigees, deux offices de sergens, pour estre tenus par personnes de ladite Religion. Et quāt aux Procureurs, est permis aux Procureurs desdits Parlemēs d'aller postuler esdites chambres. Et en cas que le nombre ne fust suffisant, en fera erigé par le Roy, & pourueu gratuitement à la nomination desdites chambres, tel nombre qu'elles aduiseront, pourueu qu'il n'excede dix: & dont elles enuoyront le roole, sur lequel seront faictes & scelees les prouisions. Les expeditiōs de Chancellerie desdites chambres se feront en presence de deux Conseillers d'icelles chambres, dont l'un sera Catholique & l'autre de ladite Religion pretenduë reformee: en l'absence d'un des Maistres des Requestes de l'hostel du Roy, l'un des Notaires & Secretaires desdites Courts de Parlement fera residence és lieux desdites chambres, ou bien un des Secretaires ordinaires de la Chancellerie, pour signer les expéditions de ladite Chancellerie. Et a esté arresté, que la Chambre de Languedoc sera establee en la ville de l'Isle en Albigeois.

Q V A N T

VI.

QVANT aux Arrests donnez és Courts de Parlement, depuis ledit Edict, esquels les parties n'ont procedé volontairement : c'est à dire, ont allegué & proposé fins declinatoires, ou qui ont esté donnez par default, tant en matiere ciuile que criminelle, nonobstant lesquelles ont esté contraints de passer oultre, ils seront censez & reputez comme ceulx qui ont esté donnez au parauant l'Edict, & reuoquez par iceluy. Le semblable est ordonné pour les iugemens presidiaux donnez depuis l'Edict, & pour les cas abolis par iceluy Edict, & par la presente Conference. Et pour le regard des Arrests donnez contre ceulx de ladite Religion pretenduë reformee, qui ont procedé volontairement, & sans auoir proposé fins declinatoires, iceulx Arrests demeureront : & neantmoins sans preiudice de l'execution d'iceux se pourront, si bon leur semble, pouruoir par requeste ciuile deuant lesdites chambres. Et iusques à ce que lesdites chambres & chancelleries d'icelles soient establies, les appellations verbales, ou par escript, interiettes par ceux de ladite Religion deuant les iuges, Greffiers ou commis

executeurs des Arrests & Iugemens, aurót pareil effect que si elles estoiet releuees par lettres royaux. Et pour les procez non encores iugez, pendants esdites courts de Parlement, de la qualité susdite, serót renuoyez, en quelque estat qu'ils soient, esdites chambres du ressort, si l'vne des parties le requiert, suiuant l'Edict, dedans quatre mois és prouinces où les Chábres sont establies, apres l'enregistrement de ces presens Articles: & pour les autres prouinces où elles ne sont encores establies, quatre mois apres l'establissémēt d'icelles, deuers les Greffiers desdites courts de Parlement, & ce pour le regard des procez qui söt instruits & prests à iuger. Et quant à ceux qui sont discontinuez, & ne sont en estat de iuger, lesdits de la Religion seront tenus faire ladite declaration à la premiere intimation & signification qui leur sera faicte de la poursuite, & ledit temps passé ne seront plus receus à requérir lesdits renuoyz. Et quant aux procez euocquez tant és courts de Parlemēt, grand Conseil, que ailleurs, en cottant particulièrement par lesdits de la Religion lesdits procez, leur sera pourueu.

E s t

VII.

EST inhibé, attendant l'installation desdites Châbres, & defendu à toutes Courts souueraines, & autres de ce Royaume, de cognoistre & iuger les procez ciuils & criminels desdits de la Religion, & autres qui ont suiuy leur party, dont par ledit dernier Edict de paix est attribué la cognoissance ausdites Chambres. Seront aussi reïterees les defenses contenues en l'article xxvj du dit Edict de Pacification, pour le regard de la cognoissance du faict des troubles iusques à huy : & generalement tous Iugemēs & Arrests donnez cōtre & au preiudice du dit Edict seront cassez & reuocquez, ensemble tout ce qui s'en est ensuiuy.

VIII.

QUE d'ores en auant en toutes instructions, autres que informations de procez criminels és Seneschauces de Thoulouse, Carcassonne, Rouergue, Lauragais, Beziers, Montpellier & Nismes, le Magistrat ou Commissaire deputé pour ladite instruction : si est Catholique, sera tenu prendre vn adioinct qui soit de ladite Religion pretēduē reformee, dont les parties conuendront : & où ils n'en pourront conuenir, en

sera pris d'office vn de la susdite Religion par ledit Magistrat ou Commissaire : comme en semblable si ledit Magistrat ou Commissaire est de ladite Religion, il sera tenu, en la mesme forme deffusdite, prendre vn adioinct Catholique. Et quant il sera question de faire procez criminel par les Preuosts des Mareschaux ou leurs Lieutenans à quelqu'un de ladite Religion domicilié, qui soit chargé & accusé d'un crime preuostal, lesdits Preuosts ou leurs lieutenans, s'ils sont Catholiques, seront tenus appeler à l'instruction desdits procez vn adioinct de ladite Religion. Lequel adioinct assistera aussi au iugement de la competence & au iugement diffinitif dudit procez. Laquelle competence ne pourra estre iugee qu'au plus prochain siege presidial, en assemblee, avec les principaux officiers dudit siege qui seront trouuez sur les lieux, à peine de nullité.

IX.

EN executant ledit Edict de Pacification, seront restablies les Iustices à Montauban, Montpellier, Nismes, & par tout ailleurs où elles souloient estre auant les troubles. Le tout suyuant iceluy Edict.

X.

LA fabrication de la monnoye sera remise en la ville de Montpellier, ainsi qu'elle y estoit au parauant lesdicts troubles.

XI.

LE Roy pour ne laisser aucune occasion de dissensions qui peussent alterer le repos entre ses subiects, ordonne que tout ce qui est aduenu depuis la publication dudit dernier Edict iusques à huy, contre & au preiudice d'iceluy Edict, d'une part & d'autre, sera & demeurera esteinct & assoupy cōme non aduenu. Et ne sera aucun recherché pour raison des assemblees de gēs de guerre faictes dans les villes ou aux chāps, établissement & entretenemēt des garnisons, entreprises & saisies des villes, places, chasteaux & maisons, meurdres, emprisonnemens, rançons, ne autres excez en ce surueenus, ne pareillemēt des ruines des temples, maisons & edifices des Ecclesiastiques & autres, dont lesdicts subiects d'une part & d'autre seront & demeureront quittes & deschargez: & ne sera permis aux Procureurs generaulx de sa Maiesté, ne autres personnes quelsconques, publiques ny priuez, en quelques temps, ny pour quel-

que occasion que ce soit, d'en faire pour-
suiuite en quelque court ou iurisdiction, ne
en aucune maniere que ce puisse estre. Le
tout en la mesme forme & maniere qu'il est
porté par l'article L^{ve} dudit dernier Edict
de Pacification: excepté les rauissēmēs des
femmes & filles, brulemens, voleries, meur-
dres faicts par prodicion, & de guet à pens,
hors les voyes d'hostilité, ou pour exercer
vengeance particuliere, & autres crimes &
delicts reseruez par ledit dernier Edict de
Pacification: lesquels pourront estre pour-
suiuis par les voyes de Iustice, & d'iceux e-
stre faicte la punition telle que les cas le re-
querront. Et pour le regard des deniers
pris tant des finances du Roy, que des
villes, cōmunautēz, & autres particuliers:
& ceux aussi qui ont esté imposez & cueillis
de quelque sorte & nature de deniers que
ce soit, & en quelque maniere qu'ils ayent
esté leuez par lesdicts de la Religion, & au-
tres qui ont tenu leur party depuis ledit
Edict de Pacification, en sont & demeurent
entierement deschargez, sans qu'ils en
puissent, ne ceux qui l'auront commandé,
corps de villes & communautēz, ny aussi
leurs commis, estre aucunemēt recherchez.

Seront

Seront neantmoins lefdits de la Religion
tenus s'assembler avec les communautéz
des villes, & faire vn estat au vray en com-
mun dedans le dernier iour d'Auril pro-
chain pour tous delais, tant en recepte que
despense, iusques à huy : lequel estat ils se-
ront tenus de signer & affermer tous con-
ioinctement, & iceluy mettre és mains, de-
dans ledit temps de deux mois, de ceux
qui sont ordonnez pour excuter ledict
Edict de Pacification en Languedoc, à fin
que sur ledit estat les Chambres des Com-
ptes passent en recepte, & allouēt en despē-
se ce qui sera contenu audit estat, & non
dauantage. Et à fin de reprimer l'insolence
de plusieurs, & empescher ces maux à l'ad-
uenir, le Roy declare que cy apres il ne
donnera aucune abolition ny grace des
fusdictes & semblables contrauentions à
l'Edict : & faict defences à son Chancellier
ou garde des seaux de les sceller, & à tous
Iuges d'y auoir égard, en quelque façon
que ce soit. Et si aucuns de ceux à qui la
presente grace est faicte retomboient en
mesme faute, seront non seulement punis
pour ladite nouuelle faute : mais aussi se-
ront priuez & deceuez du fruit & bene-

fice qui leur est accordé par cest Article.

XII.

QUE tous les procez & instances concernans le faict des troubles, qui ont esté renuoyez par les Commissaires executeurs des precedents Edicts de Pacification par deuant les Iuges presidiaux ou autres Iuges, seront renuoyez en l'estat qu'ils sont ausdites Chambres de l'Edict. N'entendant le Roy que ses subiects soient recerchez de ce qui est aduenu depuis les premiers troubles, suiuant l'Article LV^e dudit dernier Edict: & fil y auoit des procez iugez, sera loisible aux parties, se pouruoir par les voyes de droit ausdictes Chambres de l'Edict.

XIII.

POURCE que au commencement de l'Article xlij. dudit dernier Edict de Pacification en plusieurs impressions communes qui ont esté faictes, se trouuent ces mots: *& qui auront esté prins par voye d'hostilité*, par affirmation: combien qu'il doit estre conceu negatiuement, & en ceste sorte: *& qui n'auront esté prins par voye d'hostilité*: ainsi qu'il s'est trouué estre escrit en l'original qui fut conuenu & signé à Bergerac le xvij. Septembre

ptembre, M. D. LXXVII. Est ordonné, que la correction en sera faicte suyuant iceluy original: & enioinct à tous Iuges de iuger conformément à la presente correction.

XIIII.

QUE toutes cottisations, impositions, cueillettes, leuees de deniers & nouueaux subides, par qui & pour quelque occasion que ce soit, faicts autrement que par commission expresse du Roy, cesseront, & ne sen pourra cy apres autrement faire aucuns, sur les peines portees és ordonnances.

XV.

LES assemblees generales des villes & communautéz se feront selon les anciennes coustumes, & y seront appelez les habitás d'icelles qui ont accoustumé de sy trouuer, sans distinction de Religion, suyuant ledit dernier Edict de Pacification, Article dix-neufiéme.

XVI.

QUE l'Edict de Pacification, & ce qui a esté resolu en ceste Conference, sera executé en tous ses Articles, & selon sa forme & teneur, & que ladicte execution se commandera au premier iour de Mars prochain, pour le plus tard: & sera continuee

en la Guyenne, sans interruption d'une part & d'autre. Et pour le regard de Languedoc, ladite execution se commencera le premier iour du mois d'Auril prochain pour le plus tard : mais que ce pendât tous prisonniers de guerre seront mis en liberté, sans payer aucune rançon : & tous actes d'hostilité, & autres contrauentions à l'Edict généralement quelsconques cesseront, suiuant les commissions qui ont esté pour ce expediees, & seront enuoyees par tout és gouuernemens de Guyenne, Languedoc, & autres Prouinces où besoing sera.

XVII.

A esté aussi accordé par ladite Dame Royne mere du Roy, ledit Sieur Roy de Nauarre, & tous les dessusdicts, que toutes les villes & places gardees par lesdits de la Religion, seront remises aux gouuernemens de Guyenne & de Languedoc, au temps declaré par le precedent article : & y fera l'Edict de Pacification entierement executé, comme aussi, & par mesme moyen, és autres villes où les Catholiques sont en plus grand nombre, sans qu'il soit permis d'y mettre aucune garnison de part ne d'autre, ains demeureront les habitans d'icelles,

celles, de l'une & de l'autre Religion, en la speciale sauuegarde du Roy nostre souverain seigneur, & sans qu'il soit loisible sur peine de mort, de leur mesfaire, ny entreprendre aucune chose contre la liberté & seureté desdites villes. Neantmoins pour seureté dece que dessus, & assurance de l'exécution dudit Edict, lon laisse & baille en garde audit Sieur Roy de Navarre les villes qui sensuiuent : à sçauoir au gouvernement de Guyenne, Bazas, Puymérol & Figeac, iusques au dernier iour d'Aoust prochain venant, & non plus long temps : & au gouvernement de Languedoc, Ruel, Briatete, Alce, Sainte Agrée, Baiz sur Baiz, Bagnols, Allez, Lunel, Sommieres, Aymargues & Gignac, iusques au premier iour d'Octobre aussi prochain venant, & non plus long temps : à la charge, & non autrement, qu'ils ne pourront en icelles faire aucune fortification, demolition des Eglises & autres lieux, ny autre chose quelconque contre l'Edict.

XVIII.

QVE esdites villes tous les Ecclesiastiques & autres habitans Catholiques y rentreront sans aucune difficulté, & ioyront

entierement de tous leurs biens & fruiſts d'iceux : feront en icelles le ſeruiſe diuin ſelon l'Egliſe Catholique : la Juſtice y ſera auſſi librement adminiſtree : les deniers du Roy, tant ordinaires que extraordinaires, ſeront leuez & cueilliz : & y ſera au demourant l'Edict entierement gardé & obſervé. Comme en ſemblable, ſuyuant ledit Edict, ſera fait pour le regard de ceux de ladite Religion pretendue reformee, és autres villes où les Catholiques ſont en plus grand nombre. Et eſt auſſi reſolu, que les Magiſtrats & Officiers de villes tiendront la main, ſur peine de ſuſpenſion de leurs offices pour la premiere fois, & de priuation pour la ſeconde, à ce que deſſus.

XIX.

QU'E leſdites villes, durant le temps cy deuant déclaré ſeront commandees par gens de bien, amateurs de la paix & du repos public : leſquels ſeront nommez par le Roy de Nauarre, & agreez par ladite Dame Roynie mere du Roy : leſquels ſ'obligeront avec ſix, aux principales, & quatre aux moindres d'icelles, de les bien conſeruer ſoubs l'obeiſſance du Roy, & faire bien entretenir l'Edict, & ce qui a eſté preſentemēt reſolu

resolu entre icelle Dame Royne mere du Roy, & ledit Sieur Roy de Nauarre, maintenir tous les habitans d'icelles en seureté, suyuant ledit Edict, & nommément de remettre lesdictes villes, à sçauoir celles du gouuernement de Guyenne, le premier iour de Septembre prochain venant : & celles du gouuernement de Languedoc le premier iour d'Octobre aussi prochain venant, entre les mains de celuy qu'il plaira au Roy commettre pour se transporter esdictes villes, à fin de les voir remettre incontinent en l'estat qu'il est porté par iceluy Edict de Pacification, sans y mettre aucun Gouverneur ou garnison, & sans rien déplacer d'icelles villes de ce qui y est de munition d'artillerie, & autres choses seruans à la defense desdictes villes, appartenant au Roy ou aux communautéz desdictes villes.

X X.

A esté aussi remis par ledit Sieur Roy de Nauarre le Mur de Barais à icelle Dame Royne, laquelle à sa nomination a trouué bon que la garde en soit commise au Sieur d'Arpajon, pour en auoir la charge iusques audit dernier iour d'Aoust prochain. Auquel tēps ledit Sieur d'Arpajon sera tenu le

remettre és mains du Commissaire, qui ira aux autres villes, pour le laisser en l'estat qu'il est porté par l'Edict, comme les autres quatorze villes cy deuant nommees.

XXI.

ET pour euter à toutes foulles & oppressions des habitans desdites villes, & lieux circonuoisins d'icelles, ladite Dame a promis & promet audit Seigneur Roy de Nauarre, & ausdits de la Religion pretenduë reformee, de faire fournir trente six mil liures tournois, lesquels seront deliurez és mains de ceux que ledit Sieur Roy de Nauarre nommera au commencement de chacun desdits mois, au prorata & par egale portion, selon le departement qu'il en fera.

XXII.

ET par ce moyen a esté expressément resolu, que lesdits de la Religion pretenduë reformee, ceux qui cōmanderont en icelles villes, ny pareillemēt ceux qui seront cōmis à la garde desdites villes, ne pourront loger és maisons des Catholiques, que le moins que faire se pourra, leuer ne exiger des habitans d'icelles ne autres, ny aussi des lieux circonuoisins aucune chose, sous quelque

quelque couleur & pretexte que ce soit, sans permission du Roy. Mais les Consuls desdites villes seront tenus durant ledit temps de six mois fournir les chandelles des gardes, & le bois des corps de garde. ce qui ne pourra gueres monter, attendu la saison de l'esté: sauf toutefois à la premiere assiette d'imposer & leuer sur les Dioceses & Seneschaulcees, la somme à laquelle se trouueront monter lesdites chandelles & bois: ce qui leur est permis de faire, sans tirer a consequence. Et pour le regard des garnisons estans à present és villes dudit pays de Languedoc tenues par lesdits de la Religion, leur est permis de leuer, si ja il n'a esté leué, ce qu'il faut seulement pour leur entretenement iusques au dernier iour du mois de Mars prochain, & non plus. Et bailleront, suiuant cela, aux Commissaires qui vont presentement faire cesser tous actes d'hostilité, l'Estat au vray à quoy se monte le payement desdites garnisons. Et sera ledit Estat dressé, sans fraude, sur les vieux roolles. En ce non comprins, pour le regard du hault pays de Languedoc, les lieux de Dornhe, S. Germa, Pechaudie, Pierrefitte, Carlus, Frijerolles, Myeules &

Posttrims, qui seront promptement démantelez & delaissez. Et pour cest effect ceulx qui les detiennent en feront incontinent ledict delaisement es mains de ceulx qui seront enuoyez pour faire cesser les actes d'hostilité; surtant qu'ils desirent iouir de l'abolition generale, accordee a ceulx qui ont cõtreuenu à l'Edict de Pacification depuis la publication d'iceluy. Et à faulte d'obeir à ce que dessus, seront priuez du benefice de ladite abolition, & punis comme perturbateurs du repos publicq, & sans espoir d'aucune grace. Et seront aussi nommees aux executeurs de l'Edict, tant en Guyenne que bas Languedoc, les villes, bourgs & chasteaux qu'il faudra démanteler, selon l'aduis de ceux du pays de l'une & de l'autre Religion; & ce qu'il plaira apres au Roy en ordonner sur ledit aduis, sans y comprendre les places des seigneurs particuliers. Et pour le regard du hault Languedoc, sera, comme dit est, aduise par lesdits executeurs, sil y a aucuns lieux de la part des Catholiques qu'il soit requis & à propos de démanteler, suiuant, comme dit est, l'aduis de ceulx dudit pays de l'une & de l'autre Religion, & aussi selon ce qu'il plaira

plaira apres au Roy en ordonner.

XXIII.

ET pour bonne, ferme, droicte & sincere assuree de tout ce que dessus, ledit Seigneur Roy de Nauarre, ensemble mondit Seigneur le Prince de Condé, & vingt des principaux seigneurs & gentilshommes de ladiete Religion pretendue reformee, tels qu'il plaira à la Royne sa mere nommer, ensemble les deputez qui sont icy au nom des prouinces qui les ont enuoyez : outre ceux qui commanderont esdites villes qui leur sont delaissees pour lefdits six moys, promettront & iureront sur leur foy & honneur, & obligation de tous leurs biens, de faire vuyder toutes garnisons tant desdites quatorze villes que citadelles d'icelles, ensemble d'icelles villes & citadelles remettre, sans aucun delay, excuse, tergiuersation, ny autre pretexte quelconque, dedans les susdits premiers iours de Septembre & Octobre prochains, entre les mains du Commissaire susdict, pour les laisser en l'estat qu'il est porté par ledit Edict de Pacification, ainsi qu'il est dit cy deuant.

XXIII.

A esté aussi resolu, que sil aduenoit qu'il

D

se fist de part ou d'autre quelque attentat au preiudice dudit Edict dernier de Pacification, & de tout ce que dessus, la plainte & poursuite s'en fera aux Gouverneurs & Lieutenans generaux du Roy, & par la voye de Iustice aux courts de Parlemens ou chambres establies, chacun pour son regard, suyuant l'Edict. Et ce qui sera ordonné par eux sera executé promptement, & pour le plus tard dedans vn mois apres, à la diligēce des gens du Roy pour le regard des lügemens qui interuiendront, sans vser d'aucune connuence ou dissimulation. Et est expressement ordonné ausdits Gouverneurs & Lieutenans generaux des prouinces, ensemble aux Baillifs & Seneschaux, de tenir la main, donner toute ayde & confort, & employer les forces du Roy à l'executiō de ce qui aura esté aduisé & ordonné pour la reparation dudit attētat. Par ainsi les attentats de part ny d'autre ne seront prins ny reputez pour infractiō de l'Edict, pour le regard du Roy, & du Roy de Nauarre, du general des Catholiques, & desdits de la Religion. Estant la droicte & ferme intention de sa Maiesté, & suyuant la supplication dudit Sieur Roy de Nauarre, qu'ils soient incontinent reparez

rez, & la correction des coupables feuerement & exemplairement faicte.

X X V.

ET pour ce faire seront tenus les gentils-hômes, & les habitans des villes tant d'une Religion que d'autre, d'accompagner les Gouverneurs & Lieutenans generaux du Roy, & les ayder de leurs personnes & moyens, si besoing est, & en sont requis, pour faire reparer incôtinent lesdits attentats. Seront tenus lesdits Gouverneurs & Lieutenans generaux, ensemble les Baillifs & Senetchaux, sy employer viurement, sans aucune remise, delay ny excuse: & y apporter toute diligence & moyens à eux possibles, pour la reparation desdits attentats, & punition des coupables par les peines portees en l'Edict. Et outre a esté aussi resolu, que ceux qui feront entreprinſes sur villes, places & chasteaux, ou qui leur donneront ayde, assistance, faueur ou conseil, ou qui commettront aucun attentat contre & au preiudice del'Edict, & de tout ce que dessus: pareillement ceux qui n'obeiront, & resisteront par eux, ou par autrui, directement ou indirectement à l'effect & execution dudict Edict de Pacification &

de tout ce que dessus, sont dès à present declarez criminels de lèze Maiefté : eux & leur posterité, infames & inhabiles à iamais de tous hōneurs, charges, dignitez, & successions : & encourus en toutes les peines portees par les loix contre les criminels de lèze Maiefté, au premier chef : declarant en outre sa Maiefté, quelle n'en donnera aucune grace : defendant à ses Secretaires de les signer, à son Chancellier ou garde des seaux d'en sceller, & aux courts de Parlemēts d'y auoir esgard à l'aduenir, quelques exprés & reïterez mandemens qui leur en puissent estre faits.

XXVI.

A pareillement esté resolu, que les Seigneurs deputez pour l'executiō dudit Ediēt de Pacificatiō, ensemble les Articles secrets faits lors dudit Ediēt dernier de Pacificatiō, & de tout ce que dessus, procedans à ladite execution, remettront les maisons & chasteaux dudit Sieur Roy de Nauarre, à mesure qu'ils passeront par les Seneschauces, où lesdits chasteaux & maisons dudit Seigneur Roy de Nauarre sont situez : & serōt delaissees sans garnison de part & d'autre, & remis en tel estat qu'il est porté par l'Ediēt
de

de Pacification, & fuiuant les anciens priuileges.

XXVII.

QVE tout ce que dessus, & ce qui est porté par l'Edict dernier de Pacification, sera inuiolablement gardé & obserué de part & d'autre, sur les peines portees par ledit Edict: qu'il sera mandé aux Courts de Parlemens & Chambres ordonnees pour la Iustice, suiuant iceluy Edict, Chambres des Comptes, Courts des Aydes, Baillifs, Seneschaux, Preuosts, & tous autres Officiers qu'il appartiendra, ou leurs Lieutenans, faire enregistrer les Lettres patentes qui seront dressees de tout ce que dessus, & le contenu d'icelles suiure, garder & obseruer de poinct en poinct selon leur forme & teneur. Et sera enioinct aux Gouverneurs & Lieutenans generaux de toutes les provinces de ce Royaume, faire incontinent ce pendant publier, chacun en l'estenduë de sa charge, lesdites Lettres patentes, à fin que personne n'en puisse pretendre cause d'ignorance, & le contenu d'icelles aussi inuiolablement garder & obseruer, sur les peines portees par ledit dernier Edict de Pacification, & autres cy dessus declairees.

Fait à Nerac le dernier iour de Feurier, l'an mil cinq cens soixante dixneuf. Ainsi signé,
 CATHERINE, HENRY. Bouchart député de Monseigneur le Prince de Condé, Byron, Joyeuse, Lanssac, Pybrac, De la-Mothe, Fenelon, Clairmont, Duranty, Turenne, Guirry, Du Faur Chancelier du Roy de Navarre, Scorbac député de la generalité de Bourdeaux, Iolet & de Vaulx deputés pour Rouergue.

Après que le Roy a veu, & meurement considéré de mot à autre, tout le contenu en ces presents Articles accordez en la Conference que la Royne sa mere a faicte à Nerac, avec le Roy de Navarre, & les députés de la Religion prétendue reformée, qui y estoient assemblez pour faciliter l'exécution du dernier Edict de Pacification : lesdits Articles arrestez, & signez de part & d'autre audict lieu de Nerac, le dernier iour du mois de Feurier dernier passé : Sa Maesté les a approuvez, confirmez & ratifiez, veult & entend qu'ils soient observez & executez selon leur forme & teneur, à ces fins que les provisions & despêches requises en soient au plus tost faictes & enuoyées.

Fait à Paris le quatorzième iour de Mars, mil cinq cens soixante dixneuf. Signé, HENRY.
 Et plus bas, DENEVE-VILLE.

De par le Roy.

SA Maïesté ayant des long temps confirmé & aucto-
risé de nouveau, en tant que besoing est, la permission &
priuilege special & particulier que Federic Morel son
Imprimeur ordinaire a des le temps du feu Roy Charles
son frere, d'imprimer tous Edicts, mandemens, lettres
patentes, Articles, & autres mandemēs émanez de sa
Maïesté: ayant ledit priuilege esté verifié en la Court de
parlemēt: sadite Maïesté veut & entend qu'il en iouisse
pleinement & paisiblement, sans que ores ny à l'aduenir
luy puisse estre en ce dōné aucun trouble ou empeschemēt.
En consequence dequoy, sadite Maïesté fait defenses
tresexpresses à tous Imprimeurs, Libraires, marchands
& autres, d'imprimer, exposer en vente ny debiter les
Articles de la Conference de nagueres faicte à Nerac
par la Royne sa Mere: Laquelle Conference ledit Morel
a imprimée par commandement de sadite Maïesté. Et ce
sur peine de cent escus d'amende, & des dommages &
interests dudit Morel. A quoy le Preuost de Paris ou son
Lieutenant procedera sommairement sans autre forme
de procez. Faict à Paris le dixneuſiēme iour de May,
l'an mil cinq cens soixante-dixneuf.

Signé,

H E N R Y.

Et plus bas,

D E N E V F - V I L L E .

